

Ақтөбе облысының аумағында мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын қызметтердің құнын айқындау әдістемесін бекіту туралы

Ақтөбе облысы әкімдігінің 2025 жылғы 6 ақпандағы № 17 қаулысы. Ақтөбе облысының Әділет департаментінде 2025 жылғы 10 ақпанда № 8681-04 болып тіркелді

"Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасы Заңының 27-бабына, "Масс-медиа туралы" Қазақстан Республикасы Заңының 8-бабы 2-тармағының 3) тармақшасына, "Өңірлік деңгейде мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын көрсетілетін қызметтердің құнын айқындаудың үлгілік әдістемесін бекіту туралы" Қазақстан Республикасы Мәдениет және ақпарат министрінің міндетін атқарушының 2024 жылғы 6 қарашадағы № 525-НҚ (Нормативтік құқықтық актілерді мемлекеттік тіркеу тізілімінде № 35356 тіркелген) бұйрығына сәйкес Ақтөбе облысының әкімдігі **ҚАУЛЫ ЕТЕДІ:**

1. Қоса беріліп отырған Ақтөбе облысының аумағында мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын қызметтердің құнын айқындау әдістемесі бекітілсін.

2. "Ақтөбе облысының ішкі саясат басқармасы" мемлекеттік мекемесі заңнамада белгіленген тәртіппен осы қаулыны Ақтөбе облысының Әділет департаментінде мемлекеттік тіркеуді қамтамасыз етсін.

3. Осы қаулының орындалуын бақылау Ақтөбе облысы әкімінің жетекшілік ететін орынбасарына жүктелсін.

4. Осы қаулы оның алғашқы ресми жарияланған күнінен кейін қолданысқа енгізіледі.

Ақтөбе облысының әкімі

А. Шахаров

Ақтөбе облысы әкімдігінің
2025 жылғы 6 ақпандағы
№ 17 қаулысымен бекітілген

Ақтөбе облысының аумағындағы мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын қызметтердің құнын айқындау әдістемесі

1. Осы Ақтөбе облысының аумағындағы мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын қызметтердің құнын айқындау әдістемесі (бұдан әрі - Әдістеме) "Масс-медиа туралы" Қазақстан Республикасы Заңының 8-бабы 2-тармағының 3) тармақшасына сәйкес әзірленді және

Ақтөбе облысының аумағындағы бұқаралық ақпарат құралдарында мемлекеттік ақпараттық саясатты жүргізу үшін сатып алынатын қызметтердің құнын айқындау алгоритмін белгілейді.

2. Ақтөбе облысының аумағындағы мемлекеттік ақпараттық саясатты жүргізу жөніндегі мемлекеттік тапсырысты жүзеге асыру үшін сатып алынатын қызметтердің құны (бұдан әрі - қызмет) бұқаралық ақпарат құралдарының көрсетілетін қызметінің әрбір жеке түрі үшін жергілікті бюджет қаражаты есебінен бұқаралық ақпарат құралдарында мемлекеттік ақпараттық саясатты жүргізу үшін сатып алынатын қызметтердің базалық бағасына байланысты айқындалады.

Қызметтің әрбір жеке түрі үшін базалық бағасы осы Әдістеменің қосымшасына сәйкес айқындалады.

3. Мерзімді баспасөз басылымдарында көрсетілетін қызметтің құны мынадай формула бойынша айқындалады:

1) газеттер үшін $P_n = V_n \times V \times K_q$ формуласы бойынша, онда:

P_n (price) - қосылған құн салығын ескере отырып, газеттердегі көрсетілетін қызмет құны;

V_n - газетте орналастырылатын, бір шаршы сантиметр көрсетілетін қызметтің базалық бағасы;

V - газетте орналастырылатын, шаршы сантиметрмен есептелетін көрсетілетін қызметтің көлемі;

K_q - газет таралымына түзету коэффициенті:

200 000 данаға дейін - 1,3;

100 000 данаға дейін - 1,15;

50 000 данаға дейін - 1;

30 000 данаға дейін - 0,9;

20 000 данаға дейін - 0,8;

10 000 данаға дейін - 0,65;

5 000 данаға дейін - 0,5;

2) журналдар үшін $P_m = V_m \times V \times K_q$ формуласы бойынша, онда:

P_m (price) - қосылған құн салығын ескере отырып, журналдардағы көрсетілетін қызмет құны;

V_m - журналда орналастырылатын, бір шаршы сантиметр көрсетілетін қызметтің базалық бағасы;

V - журналда орналастырылатын, шаршы сантиметрмен есептелетін көрсетілетін қызметтің көлемі;

K_q - журнал таралымына түзету коэффициенті:

15 000 данаға дейін - 1,2;

10 000 данаға дейін - 1,1;

8 000 данаға дейін - 1;

5 000 данаға дейін - 0,9;

3 000 данаға дейін - 0,8;

1 000 данаға дейін - 0,7.

4. Интернет-ресурстағы көрсетілетін қызметтің құны $P_i = B_i \times V \times K_q$ формуласы бойынша айқындалады, онда:

P_i (price) - қосылған құн салығын ескере отырып, интернет-ресурстағы көрсетілетін қызметтің құны;

B_i - интернет-ресурста орналастырылатын көрсетілетін қызметтің бір таңбасының, секундының, минутының, данасының базалық бағасы;

V - интернет-ресурста орналастырылатын көрсетілетін қызметтің таңбалармен, секундтармен, минуттармен, даналармен есептелетін көлемі;

K_q - бірегей пайдаланушылардың интернет-ресурсқа кіруінің орташа айлық санын есепке алуға арналған түзету коэффициенті:

айына 500 000 кірушіге дейін - 1;

айына 1 000 000 кірушіге дейін - 1,1;

айына 2 000 000 кірушіге дейін - 1,2;

айына 5 000 000 кірушіге дейін - 1,3;

айына 5 000 000 кірушіден астам болса - 1,4.

5. Телевидениеде көрсетілетін қызметтің құны $P_{tv} = B_{tv} \times V$ формуласы бойынша айқындалады, онда:

P_{tv} (price) - қосылған құн салығын ескере отырып, телевидениеде көрсетілетін қызметтің құны;

B_{tv} - телевидениеде орналастырылатын көрсетілетін қызметтердің бір секундының, минутының, сериясының базалық бағасы;

V - телевидениеде орналастырылатын көрсетілетін қызметтің секундтармен, минуттармен, сериялармен есептелетін көлемі.

Егер Ақтөбе облысының аумағындағы мемлекеттік ақпараттық саясатты жүргізу жөніндегі мемлекеттік тапсырысты қалыптастыру кезінде телевидениеде көрсетілетін қызметтерді жанрлар бойынша бөлу ескерілмеген жағдайда, телевидениеде көрсетілетін қызметтердің құны базалық баға (B_{tv}) бойынша есептеледі.

6. Радиоарнадағы көрсетілетін қызметтің құны $P_r = B_r \times V$ формуласы бойынша айқындалады, онда:

P_r (price) - қосылған құн салығын ескере отырып, радиоарнадағы көрсетілетін қызметтің құны;

B_r - радиоарнада көрсетілетін қызметтердің бір секундының, минутының базалық бағасы;

V - радиоарнада орналастырылатын, көрсетілетін қызметтің секундтармен, минуттармен есептелетін көлемі.

аумағындағы мемлекеттік
 ақпараттық саясатты жүргізу
 жөніндегі мемлекеттік
 тапсырысты жүзеге асыру үшін
 сатып алынатын қызметтердің
 құнын айқындау Әдістемесіне
 қосымша

Ақтөбе облысының аумағындағы бұқаралық ақпарат құралдарында мемлекеттік ақпараттық саясатты жүргізу үшін сатып алынатын қызметтердің базалық бағалары

№	Қызметтің атауы	Өлшем бірлігі	2025 жыл (теңге)	2026 жыл (теңге)	2027 және одан кейінгі жылдар (теңге)
1	Қазақстан Республикасы аумағында таратылатын мерзімді баспасөз басылымдарындағы (газет) қызмет (ақпараттық материалдарды дайындау және орналастыру) (Bn)	ш а р ш ы сантиметр	900	945	992
2	Ақтөбе облысы аумағында таратылатын мерзімді баспасөз басылымдарындағы (газет) қызмет (ақпараттық материалдарды дайындау және орналастыру) (Bn)	ш а р ш ы сантиметр	400	420	441
3	Ақтөбе облысы аумағында таратылатын мерзімді баспасөз басылымдарындағы (журнал) қызмет (ақпараттық материалдарды	ш а р ш ы сантиметр	400		441

	дайындау және орналастыру) (Bm)			420	
4	Интернет-ресурстағы қызмет (ақпараттық материалдарды дайындау және орналастыру) (Bi)	таңба	200	210	220
5	Қазақстан Республикасы аумағында таратылатын міндетті теле-, радиоарналардың тізбесіне кіретін телевидениедегі қызмет (жаңалықтар сюжеттерін өндіру және орналастыру) (Btv)	минут	500 000	525 000	551 250
6	Міндетті теле-, радиоарналар тізбесіне кіретін телеарналарды қоспағанда, Ақтөбе облысының аумағында телерадио хабарларын таратудың ұлттық оператор тарататын еркін қолжетімді теле-, радиоарналардың тізбесіне кіретін телевидениедегі қызмет (ақпараттық материалдарды, тақырыптық хабарлар өндіру және орналастыру) (Btv)	минут	24 000	25 200	26 460

7	<p>Міндетті теле-, радиоарналар тізбесіне кіретін телеарналарды қоспағанда, Ақтөбе облысының аумағында телерадио хабарларын таратудың ұлттық оператор тарататын еркін қолжетімді теле-, радиоарналардың тізбесіне кіретін телевидениедегі қызмет (жаңалықтар сюжеттерін өндіру және орналастыру) (Btv)</p>	минут	60 000	63 000	66 150
8	<p>Міндетті теле-, радиоарналар тізбесіне кіретін телеарналарды қоспағанда, Ақтөбе облысының аумағында телерадио хабарларын таратудың ұлттық оператор тарататын еркін қолжетімді теле-, радиоарналардың тізбесіне кіретін телевидениедегі қызмет (ақпараттық материалдарды, деректі фильмдерді, музыкалық, ойын-сауық бағдарламалард</p>	минут	50 000		55 125

	ы өндіру және орналастыру) (Btv)			52 500	
9	Міндетті теле-, радиоарналар тізбесіне кіретін телеарналарды қоспағанда, Ақтөбе облысының аумағында телерадио хабарларын таратудың ұлттық оператор тарататын еркін қолжетімді теле-, радиоарналардың тізбесіне кіретін телевидениедегі қызмет (бейнероликтерді өндіру және орналастыру) (Btv)	секунд	4 752	4 989	5 238
10	Ақтөбе облысының аумағында таратылатын радиоарнадағы қызмет (ақпараттық бағдарламаларды өндіру және орналастыру) (Br)	минут	10 500	11 025	11 576
11	Ақтөбе облысының аумағында таратылатын радиоарнадағы қызмет (аудиороликтерді өндіру және орналастыру) (Br)	секунд	2 000	2100	2 205

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК